

楊盈川集卷之十

唐華陰楊炯

明閩漳張燮紹和纂

神道碑

唐同州長史宇文公神道碑

諸侯計功其銘曰仲山甫誠于百辟大夫稱伐其銘曰正考甫恭于三命所以揚其先祖所以示其子孫上古之初刊於禮樂之言中年以降述於宗廟之祖文質既殊條流遂廣山河永配



金石長存或旌原氏之阡或表滕公之墓觀百
林之字者孝廉之舊業於是乎不愆不忘讀黃
鳥之詞者文範之餘風於是乎可久可大公諱
珽字救珉河南洛陽人也宇文歸之遠派宇文
翰之餘秩龍火晝夜於鍾山鵬雲南北於溟海
自中州圯圻上國崩離魏氏忘其實圖齊人弄
其神器則天有成命周雖舊邦文王以業重三
分昭事上帝武王以功成八百陰隲下人車書
混一於域中子弟星羅於海內方於劉澤乃天

漢之懿親匹以曹洪卽當途之近屬及隋室遷
鼎唐運握符固亦壇社仍存山河不替曾祖顯
和後魏冠軍將軍朱衣直閣東夏州刺史車騎
將軍散騎常侍長廣郡公周贈使持節開府儀
同三司延丹綏三州諸軍事延州刺史周書有
傳對揚天命保乂王家霍去病初封冠軍周亞
夫始爲車騎剖符之重任在於六條建國之榮
禮高於五等祖神舉使持節驃騎將軍開府儀
同三司京兆尹柱國大將軍并潞肆石四州十

二鎮諸軍并州總管東平郡公贈少保周書有
傳材優輔弼業贊雲雷晉則羊祐儀同楚則若
敖柱國王章之拜京兆天子聞其直言郭伋之
蒞并州諸童符其恩信父孝誼隋文皇帝挽郎
皇朝益州青城瀛州清苑二縣令鈞深致遠直
道宏詞不汲汲於富貴每乾乾於日夕廣都蔣
公琰非無社稷之能太丘陳仲弓自有閨門之
德公慶成弧矢氣襲芝蘭州則赤山之精照牽
牛於北列鼎則黃雲之寶入天駟於東方資大

孝而立身蘊中和以成德詞叅變化稽百家之
闕文學富圖書閱三冬之舊史司徒袁粲許之
以栝柏豫章處士彌衡目之以倚桐梓漆初任
國子生擢第授道王府叅軍兼鄭州叅軍事橫
經太學射策王庭高陽才子宜慈惠和之譽武
公新邑濟河洛潁之間兼攝務殷叅卿位重王
徽之任達國主同車劉簡之博聞中郎寓直秩
滿授遂州司戶叅軍事天開并洛地緲江源材
雄翕習於外區棟宇相望於近甸尹子爲政知

陸績於賦人黃讜臨官識包咸於數子尋遷絳
州翼城令大梁星野少澤封圻城故絳以浚其
宮都新田以流其惠實惟繁劇載佇循良魯國
有司無擅徵之事南陽郡吏罷休沐之娛州府
狀聞鄉亭頌德亦繇禮讓之化綿竹於是乎作
歌風俗之夷浚儀於是乎刊石稍遷符璽郎尋
奉勅檢校鴻臚本官如故環濟要略掌天子之
符璽劉熙釋名表京師之心腹是分麾節式贊
王侯國信不差郊迎有序遷尚書職方員外郎
夏書禹貢辨其川澤周禮職方明其物土清晨
伏奏幾承題柱之恩閒夜潔齋惟有張燈之宿
詔除朝散大夫晉州司馬尋遷長史平陽舊縣
姑射靈山玉印仍存瑤城未改習鑿齒之逢宣
武三命而踐侍中管公明之謁冀州四見而登
別駕詔遷同州長史河西輻輳渭北膏腴秦地
之下邦漢京之左輔使君何以爲政端右宜其
得人江統知賢直言則陳畱阮宣子唐彬薦善
通理則汝南王叔度王祥糾合屈公輔之宏材

荀羨逸羣杜沖天之勁翮享年六十有五以永
淳元年六月二十一日終于華州之別業嗚呼
哀哉公元亨利貞文行忠信禮樂之君子儒林
之丈夫當在顏冉中求自是風塵外物友于之
義伯淮與季江同寢朋從之道鮑叔與管仲推
財優游大學之中籍甚平臺之下輜車就列化
洽於二同油軾當官政成於半刺道尊德貴而
大位不躋有志無時而天年不永卽以其年十
月遷窆於鄭縣安樂鄉之西源嗣子某官等詩

禮預聞箕裘早學生則盡其養劉殷積粟於七
年歿則致其哀唐頌絕漿於九日古白鶴相青
烏鄭伯所封有咸林之采地晉侯所輅有河外
之城邑其川渭水而玉璜其鎮華山而金石脊
習旛旒紛紜野田范巨卿則素車來哭韓元長
則總麻設位大夫受梁鴻之命終陪烈士之墳
妻子從田豫之言竟托神人之墓嗚呼哀哉銘

曰宗州原亦典亦限大驂泝軍劉風出國分
國自東部家承北平遂荒中縣奄有神京時逢

日溥運改天正二王之後三代之英其一

惟宗惟祖有典有則大魏將軍隆周相國於穆

顯考其儀不忒禮樂宣恩闈門表德其二

五才鍾秀百福與賢蜀都曾子漢代顏淵公之

廣學其積如山公之大辨其流如川其三

親則邴霍地居周鄭人物會同歌謠鼎盛設官

分職天子有命束髮登朝參卿軍政其四

江漢之流河汾之都禮優懸榻任重前樞六璽

為貴皇天降符九州為廣益地開圖其五

平陽守土下部風俗秦晉閭閻山河軌躅緹油

之化海沂之曲始聽雞晨行復驥足其六

龜長筮短吉往凶來賓朋永訣徒御相哀華館

無家玄堂不開青龍水曲白馬車迴其七

漠漠古墓槭槭寒桐郭門之路平林之東天光

少日地氣多風凡生物而必歿唯君令始而令

終其八

歷州百泉縣令前上將軍李君神道碑

金城裂地之災玉弩驚天之禍燹岷崙以西倒
蹋泰山而東覆三微歷數盡薰歆以殼沉萬國
衣裳咸土崩而瓦散是故殷憂啟聖聖人騰海
岳之符草昧興王王者受風雷之祉則有思窮
圖讖潛觀赤伏之萌識洞機祥暗察黃星之兆
天懸兩日詢去就於河宗地震三川考興亾於
柱史危邦不入亂邦不居剪荆棘而叩天門臨
壇塲而對休命及其玄黃再造日月重輪功成

而不居名遂而身退南華吾師也親居賤職東方達人也安乎卑位然後武城絃唱優游禮樂之中彭澤琴樽散誕羲皇之表雖杜當陽之文武蘭菊猶存而薛孟嘗之池臺風煙遂歇悲夫歿生命也貴賤時也用之則行舍之則藏出處者君子之恒務左右之攸宜吾聞其語矣今見其人也君諱楚才衛州衛縣人也昔繞樞神電軒轅氏之馭百靈貫月祥星顓頊氏之臨四海金科作範商丘有帝系之雲玉扎披圖幽谷有真人之氣繇是公侯策命歷千載而彌昌鍾鼎歡娛經百王而不替豈直將軍列位孫吳暗合之兵協律當官天地冥符之樂若斯而已矣曾祖裕後魏東宮舍人太子洗馬使持節徐州諸軍事徐州刺史燉煌郡開國公贈兗豫三州刺史真城西望高闕東臨非無置驛之歡實有前軍之寵瑯玕負海八門都督之榮王彰潁河百代封侯之貴大父昌北齊彭城王府中兵參軍事隋濟陰郡守襲封燉煌公文場筆海焰爛等

於星辰辯圖談叢鏗鏘叶於風雅九千里之丹
鳳始踐王門七十日之黃龍初階郡職考孝友
隋晉州岳陽縣令顏回稱太平王佐月角殊姿
仲由稱禮義霸臣星衡詭狀唐都晉野有恒山
太嶽之風墨綬銅章有錯節盤根之化若夫于
公之宅駟馬爭驅辛氏之門五龍齊駕英靈不
已還當命代之期物相有徵克保承家之業東
郊競日探秘跡於機衡西蜀談玄測靈心於造
化雄才壯思首九奏而和八音彈見洽聞披五
車而誦三篋加以興居禮樂出入孝忠簡於一
人備於萬物弓旌疊湊始命賢良幣帛交馳載
徵巖穴從微至著濫觴萌括地之波積小成高
覆簣漸排雲之構隋大業十二年補謁靈臺散
從員外郎非其好也屬千三否運百六災年諸
侯窺玉鼎之尊天子厭金陵之氣蚩尤則命風
召雨桀黠於中州共工則折柱傾維崩騰於海
縣我高祖神堯皇帝所以從人望宅靈心鎮天
關迴地軸鼓鼗雷馭親張霹靂之威旗羽星懸

手握招搖之柄君冲情索隱妙算知來候東井
而考前聞裂西河而尊故事扶三略之奇謀蘊
六韜之秘訣義寧二年授車騎將軍累加開府
武德五年遷右衛二十四府右車騎將軍仍於
邛州鎮守皇階甫闢猶勞尉候之靈天步初夷
尚有風塵之警示之以文德陳之以武功所以
夜戶不扃所以重門罷析六年轉仲山府左列
南州舊俗淫其白獸之祠西棘餘畔背我黃龍
之約王師直進陵劔棧以長驅廟路遐宣指銅

丘而決勝七年詔君討襲楓天棗地金門玉帳
之營方卦圓著剡木弦弓之射以此衆戰誰能
敵之以此攻城何城不克雷出而星曜龍騰而
鳳飛一鼓而擒四姓三戰而平百濮大夫耆老
非唯二十七人拓土開疆豈直五千餘里返行
飲至拾爵策勲焉禮也其年加上大將軍賞口
十六人并良馬一疋而俄以爭功得罪游俠從
君特降王綸遐遷騰府通塞有命潘安仁之緒
言富貴在天十子夏之餘論無諧封禪空歎息

於周南絕望靈臺竟棲遲於漢北太宗文皇帝
承聖皇之大寶奉天帝之休期雷雨八瀛光華
四極旌賢赦過惟新之命屢覃念功簡勞惟舊
之恩累洽貞觀元年授長樂監仍命於北門供
奉宜春禁苑太液神池浸石菌而揚波擢金莖
而挹露南經丹微恒陪萬乘之遊北統黃山再
奉三驅之禮當是時也穆穆焉煌煌焉濟濟焉
鏘鏘焉一陰一陽而有序自南自北而無外猶
復中宵不寐殷勤多士之林曷景息疲渙汗非

常之辟十四年應詔四科舉射策登甲第明於
國家之大體達於人事之始終可謂朝宰之璞
可謂皇居之寶洛陽才子仍承宣室之談魯國
儒宗行踐中都之邑尋授靈州鳴沙縣令遷原
州百泉縣令斜通紫微却負黃州涼秋九月寒
沙四面平雲匝隴處處而愁陰圓鳧低開蒼蒼
而夜色君乘輜演教佩紱臨人德被三城風移
五縣抽琴命操還臨畢父之堂繫石飛鳴卽對
李臬之學明以御下將水鏡而通輝清以立身

其米壺而合照神行有感方登玉鉉之階靈化
無方獨歎瓊棺之墓春秋七十有一以顯慶元
年十二月八日終于官舍君年十一丁父艱朋
友相哀家人不識章稱曾閔今日荀何近古以
來未之有也隋郡東曹掾江溢見而歎曰此真
可謂保家緯化嗟尚者久之大業末年皇綱漸
紊不攝一室自懷包括之心獨守太玄且忘名
利之境于時魏特進房僕射杜相州等竝以江
海相期煙霞相許付同心之雅會訖列頸之良
遊或閉戶讀書累月不出或登山涉水經月忘
歸斯賢達之素交蓋千年之益遇洎塵埋五岳
海沒三山辭殷而奉周背楚而歸漢深謀遠慮
卽良平無以加也行軍用兵則韓彭不能尚也
數奇命蹇遂無望於高門日往月來竟消散於
下邑情均寵厚則萬象同歸跡混彭殤則百齡
俱盡浮生若寄大漸彌留遺誨子孫庶幾薄葬
等梁鴻之宅兆邈矣他鄉符祭仲之高居依然
新鄭唯仁與達君其有焉存榮歿哀此之謂也

卽以某年月日葬於某原夫人廣平宋氏齊尚
書左丞士順之曾孫隋建安郡司法長文之季
女霜淒月瑩菊艷茗華淑問秀於閨房柔風洽
於詩禮琴前鏡裡孤鸞別鶴之哀竹夾城崩杞
婦孀娥之泣長子金河府校尉上柱國輔仁等
十輪方駕萬石駢衡窺上帝之兵鈴入先王之
冊府指蒼天而永訴血下霑襟對白日以長號
悲來填臆於是總麻執友素葢賓朋傳祖德於
高陽考豐碑於太學庶使城隍一變猶知鄧艾
之名陵谷三遷尚識鍾繇之字其銘曰

玉斗之英瑤光之精巡河并洛握紀提衡柱史
論道將軍用兵陸離簪紱奕葉公卿嶽牧騰譽
弦歌有聲階蘭疊影巖桂增榮山澤通氣風雲
表靈凝脂點漆月角珠庭白玉無玷黃金滿籬
忠爲令德孝實天經朋友千里煙霞百霽琴樽
野尚松竹山情數屬郡海時逢鬪星黃龍電震
白騎雷驚赫矣高祖元亨利貞聖人有作天下
文明自北提劍因茲間行攀鱗北海附翼南溟

水火之陣狐虛之營左提右挈東討西征巨猾
斯斬元兇載清功符衛霍思若良平自滿知損
居中忌盈蕭條異縣坎塲浮生降以中旨賓于
上京陳書詣闕對問揚庭山連鴈塞野接龍堦
暮月而已三年有成波瀾不息箭刺無停梁木
其壞高臺已傾關雲斷絕隴鴈飛鳴頓雙鳧於
葉縣踟四馬於騰城

王銘辭工嚴研練似沈宗之律

益州溫江縣令任君神道碑
漢丞相之尊官大位乘車滿於十人齊景公之
利用厚生有馬盈於千駟羽旄冠劍擬金鳴玉
壘其前苑囿池臺清歌妙舞喧其後崇高在於
寵祿大欲存於食貨義然後取橫玉帶以當仁
道不虛行坐鹽梅而自得若乃時之不與數之
不通貴賤任於天窮通繇於命在太沖之詠史
下索實英俊之場嵇叔夜之著書賤職爲老莊
之地雖復勢力以高下相懸尊卑以商周不敵

孔宣父中都之小宰幽厲多謝於陪臣陳仲弓
太丘之一官公卿有慚於縣長是以德成者上
道在斯尊陶潛則安枕北牕言偃則鳴絃東武
抑揚足以儀四海顧盼足以破三軍代有人焉
於斯爲盛公諱晃樂安博昌人也其後因官遂
家蒲州之永樂天子令德軒皇爲誕姓之源諸
侯計功薛國在宗盟之後西京執法則有御史
大夫東漢循良則有會稽都尉任光鄉里之忠
厚任隗朝臣之鯁直益州從事術數知名臨海
真人清貞克己況乎東西海岱強齊九合之都
表裏山河全晉三分之國車馬雷馱衣冠鼎盛
盟書百代可謂功臣遷徙丘陵實惟豪族曾祖
顯祖熙考憬竝策名天爵獨步人師懷素履之
幽貞保黃裳之元吉張家碑碣荊州有七代孝
廉荀氏鄉亭潁川有八人才子君外資剛健內
育文明合千載聖賢之間鍾五行金木之秀王
恭濯濯春柳懷風和嶠森森寒松列景有曾孫
之孝有史魚之直有子夏之文有冉求之藝先

王德行固名言而在茲大聖溫良亦顛沛而於
是當朝一見許其王佐之才行路相逢加以美
人之贈解褐爲家令寺主簿天王太子之位赫
赫前星天地長男之宮巖巖左闕出身事主元
良永固於萬邦束髮登朝七鬯不驚於百里秩
滿授將作監主簿千門萬戶張華窮壯麗之圖
東主西賓班固盡謳謠之致職掌宮觀是名將
作大司馬桓溫之府績用在於元琳大將軍竇
憲之曹文章寄於亭伯累遷右衛長史南京左
掖上將陪藩北落師門天軍例衛東觀漢記梁
統有清白之名中興晉書薛兼有恪勤之譽詔
遷朝散大夫行益州溫江縣令華陽西極漢水
東流背面通秦越之鄉左右夾巴涼之地風煙
可接懸車束馬之山雲物潛通織女牽牛之象
神仙所宅則有二十四居途路所經則有五千
餘里金城石郭還聞上代之風國富人安時聽
中和之樂於是乎龍泉獨斷龜旒旁求品命千
名封疆萬戶暫過云亭乘軒之望可知且詣中

軍理劇之才有屬旌孝悌勤農桑省徭役存羸寡所以一縣稱平所以百城尤最蕭育是杜陵男子不入後曹黃浮非鄉里所知不寬同歲洛陽行馬門士無心齊國池魚權家絕望鄭文公邵陵之縣但稱男子之名師尚父灌壇之鄉唯有神人之哭實謂樞機八座上下三階豈惟縛柱鞭絲操刀製錦巫馬期之任力弊起乘星鍾離意之悅人災生解土享年五十有九以儀鳳二年六月二十五日卒於官第夫人姚氏

神俊之女也壽丘僊葉媯水靈苗定姚信之機衡審姚光之術藝明星燄燄不臨太丘之前暮雨沉沉不散巫山之曲婦人謂嫁女子有行織經組紉棗修榛栗南斗千齡之匪忽愴沉江北方三代之儀終悲共穴先以咸亨三年七月二日終西京翊善里之私第越儀鳳三年冬十一月一日歸祔於永樂縣廐山之平原卜虞芮之閑田帶關河之設險居人致祭桐鄉有朱邑之祠恠力成墳葉縣有王喬之墓君燕趙奇士神

仙中人容貌魁梧衣冠甚偉揚子雲之窮巷好事來遊段干木之間居通侯展敬自陳力就列居家可移妾本絕於織蒲馬無聞於食粟原子思之厚秩偏給鄉人孔文舉之中罇延留坐客加以徧觀國史尤精釋教夢幻泡電知一切之皆空園林貨財見三陽之已淨遭時屯坎浮生蹇剝佳人不再荀奉倩之傷神赤子無期潘安仁之慘慟天平到此命也如何及其瞑目少城歸懷舊壤平原古樹唯餘孺子之墳春露秋霜非復臯繇之祀於是鄉隣作主朋友加麻撰德銘之於素表披文刺之於翠石魯哀公作仲尼之誅天不憖遺蔡伯喈爲有道之碑人無媿色其銘曰

軒帝之族漢朝之臣西州智士東海真人豪傑天縱衣冠日新實生其德必有其隣道在爲貴知機則神氣衝南斗價直西秦太蒙之信太平之仁辯窮非馬學究成麟孝友爲政觀光利賓重明比德少海爲春宮室之象南斗北辰甲兵

楊盈川集 卷十
之衛閭闔鈞陳山控金馬江迴玉輪天文井絡
地紀梁岷庭前置水甌內生塵園蠶有繭野雉
來馴時命屯蹇生涯苦辛實敘虛贈玉樹長淪
厚德無輔清仁不親百年天枉一旦歸真雷鳴
之下長河之濱旌旃委鬱徒御逡巡悲風自起
血下霑巾歿而可贖人百其身

楊盈川集卷之十

唐華陰楊回炯其土著

明閩漳張公燮紹和纂

墓誌銘

鄴國公墓誌銘

永昌元年春二月甲申朔鄴國公薨公諱柔字
懷順弘農人也縣犯太原王廟諱改爲仙掌焉
公卽隋煬帝之玄孫元德太子之曾孫恭帝之
孫鄴國公行基之子粵若稽古崇德象賢統承

先王修其禮物惟丞相保寧西漢惟太尉亮弼
東朝功書王家澤流後嗣亦猶司徒之敬敷五
教殷德日新后稷之播時百穀周有大賚隋高
祖昧且不顯齊聖廣淵皇天眷佑誕受顧命恭
皇帝遜位明敷能讓天下作賓皇室與國咸休
承百代之宗國稱二王之後公山河積氣清白
餘基孝友著於閨門信義行於邦國縱心妙用
不出戶庭覃思典墳不窺園圃及其上公傳位
命服居前有怵惕之心無驕矜之色漢之平帝

猶敬劉歆魯之戴公尚聞商頌大唐貴爲辰極
富有寰瀛用三王之禮以同天地奏八代之樂
以答神祇郊上玄定泰時金繩玉匣日觀登封
左介西偏明堂布政未嘗不虞賓在列周客來
庭禮秩尊於百寮贊拜絕於羣彥猶能小心畏
懼恪慎肅恭上帝時歆下人祇協以爲藩屏以
訓子孫稟命不融享年五十有五嗚呼哀哉越
某月日葬于某原嗣子某官生盡其孝沒盡其
哀學不替於爲喪禮有踰於鑽燧中其宅兆俾

無後艱述其家風謂之不朽其銘曰其字永明
有客有客乘殷之馬建于土公君茲東夏有客
有客乘殷之輅作賓王家率錄典故天之蒼蒼
人之云亾柏櫃成行魂歸故鄉所以為壽氣以
或斷其車於百寮贊其德也事或斷其車於
五公而後也其德也事或斷其車於五公而後也
以各師如波土之安泰也其德也事或斷其車
富其家其德也事或斷其車於五公而後也
德也事或斷其車於五公而後也

高平李懷州墓誌銘

公諱冲寂字廣德隴西狄道人也左衛大將軍

西平王之孫荊州大都督漢陽王之子今土之

族兄也原夫帝堯之緒運期授於天漢顓頊之

胃大命集於皇家光耀則若木十枝波瀾則長

河九派或中軍按部金鼓所以節其嚴或刺史

班條冕旒所以彰其德信可謂玉林多寶天族

多奇以御家邦以藩王室者也公山河誕慶辰

昴發祥金多木少孔文舉之天骨玉潔冰清華

子魚之神彩南陽季恭偉懸識宰臣沛國趙元
儒竊知公望編漢皇之兄弟列周室之邢茅天
下稱其八才吾家號爲千里初任尚舍直長稍
遷城門郎仍奉勅於弘文館讀書掌舍諸宮城
門列校制詣東觀有黃香之博聞賜其制書有
班游之廣學尋授駕部員外郎轉金部郎中又
勅公爲戎州道支度軍糧使天府克初軍儲委
積振南宮之紱冕譽表三臺歷西蜀之江山榮
高駟馬遷太府鴻臚二少卿丁艱去職揚播之
登太府初聞累遷之命鄭默之拜鴻臚遽見終
喪之禮孔宣尼旣祥五日彈不成殷孟獻子加
人一等懸而不樂服闋歷青德齊徐四州刺史
東臨巨海西至長原或全齊歷下之軍或大禹
徐方之地任隆荆部陶侃八州寄重尋陽桓伊
十郡遷宣州刺史吳王舊邑楚國先封江迴鵲
尾之城山枕海根之治蜀郡無此計吏則惟薦
張堪潁川尤多璽書則但稱黃霸巡察使以尤
異聞遷陝州刺史觀其井邑號仲上陽之故墟

度其川原周公分陝之遺跡唇齒通其列國咽
喉壯其天險善人爲政無待於百年童子行謠
先符於兩日于斯時也天以順動帝以會昌修
封禪於岱嶽作明堂於汶上望山川而遍羣神
執玉帛而朝萬國制公檢校司理常伯文昌之
省遙接太階建禮之門旁連複道萬機巨贊八
座謀猷旣陪軒帝之巡乃覲漢家之事屬河縣
南徙憑斗骨而爲城居衛蒲東亾界朝鮮而
役屬乘輿乃誅後至討不庭申命六事之人

以問三韓之罪制曰師出遼左卿可爲北道主
人檢校營州都督石門山險銅鼎河流天文則
營室辨方地象則神臺鎮野供其行李鄭國有
東道之名爲我主人常山當北州之寄遼東平
以功遷蒲州刺史堯都蒲坂舜耕歷山昭襄王
始作河橋穆天子至於雷首汝南朕之心腹遂
拜韓崇河東吾之股肱時徵季布遷少府監忠
信爲主楊阜齊衡清白在官常林北德又除蒲
州刺史諸童之逢迎郭伋再牧并州百姓之願

得耿純復臨東郡孝敬皇帝國之儲嗣乾之長
男四極奏於重光二年賓於上帝崇其謚號用
黃屋於羽儀十其園塋象玄宮之制度山陵之
建也以公檢校將作大匠游衣漢寢之外抱劔
橋山之下百工畢力陳琳於是乎躬親諸吏懷
恩魏霸於是乎無謫遷銀青光祿大夫行少府
監若夫叶時月乘天正秦人往事遊別館而祈
年漢宮舊儀下明庭而避暑上幸九成宮以公
檢校右領軍將軍本官如故董司戎政以戒不

虞七校陳其甲兵五營按其車服領軍之職用
文武於紀瞻右軍之官敘勤勞於常惠尋以公
事免左授歸州司馬楚之舊也始得子男之田
夔之先也裁爲附庸之國人同賈傳路似長岑
伯騫有嚴於鄉里仲任見知於筆札制遷中大
夫行兗州都督府長史大庭之庫少昊之墟上
真降婁金精吐宿宥瞻日觀木德題山別乘初
迎將宣萬邦之化佩刀終爽徒見三公之服以
永淳元年某月日行次唐州方城縣遇疾薨朝

延聞而傷之贈懷州刺史公嚴而有禮直而能和行孝立身移忠事主生知者上重之以八索九丘斯道在尊加之以文昭武穆故能入登常伯出踐方州爲六卿之儀表發三軍之號令引長戟於門前羅曲旃於堂下子孫朝夕玉樹相輝賓客遠迎玳簪交映悲夫展禽三黜安仁再免奚辭棘署俯集桐華慘舒則不繫陰陽喜愠則不形顏色何嗟及矣竟遊東岱之山無所不知旋閉南陽之墓二年夏五月日葬於萬年縣

龜川鄉之平原長子某官某次子某官某箕裘必復花萼生光隣人泣其悲慟明主憂其毀瘠觀其弔客不無雙鶴之徵察其成墳自有百鳥之感森森隴樹漠漠郊煙右玄灞而浩蕩左驪山而起伏杜陵萬家之邑非復城池滕公駟馬之銘不知年代其銘曰

高陽積德武昭餘慶宅鎬開基封唐啟聖叶和

萬國平章百姓天敘諸侯禮陳宗正

其一

周之曲阜漢之平陸地則葭葦祥惟嶽瀆鄉黨

稱善閨庭雍穆始拜城門卽游天祿其二

太微之位益部之星卿則有六四至丹青州則

有九八牧專城旣踐臺閣仍司甲兵其三

倚伏無兆遭隨有運賈誼從王桓譚佐郡自志

寵辱曾無喜愠人去何歸天高莫問其四

東都門外長樂宮邊白馬旒旒青烏墓田楸桁

夾路碑石書年百代之後南陽之阡其五

銘標鄉跌宕令人悠遠長懷

杜袁州墓誌銘

公諱某字某京兆杜陵人也高辛之撫教萬方

堯帝之平章百姓傳稱聖人之後易曰積善之

家在夏爲御龍在周爲唐杜三王已降百代可

知車服出於南陽衣冠集於京兆曾祖榮業後

魏秦州別駕祖良宇文朝復州長史父舉唐易

州司兵叅軍事事端履道操矢安貞厚於天爵

薄於人位闕里之庭學夫詩禮太丘之門執其

羔鴈公孝慈而敬威莊而安狎貫義方周覽典

籍服其服則文之以君子之容遂其辭則實之
以君子之德起家左翊衛選授貝州司倉叅軍
事出自中禁在於外臺謹其蓋藏實其倉庾尋
遷蓬州咸安許州長杜相州洛陽三縣令地方
百里官歷三城言非法度不出於口行非公道
不萌於心令不肅而威宣教不舒而德洽轉統
州司馬制授朝散大夫婺州司馬又遷蘇州長
史加中散大夫鸞鳳不棲於枳棘鸞雀不集於
梧桐宜得其材非公莫可我大周誕受萬國寵
綏四方建官惟賢垂拱而理乃命公爲朝議大
夫使持節袁州諸軍事守袁州刺史天王之使
列國之君發其德音而勸不用賞正其顏色而
禁不用刑德成而位尊名遂而身退乞骸告老
謝病言歸以某年月日終于淮水之館春秋七
十有七嗚呼哀哉夫人太原王氏魏驃騎大將
軍新昌公平之曾孫唐蜀王府典軍上柱國志
隆之女也纂承洪烈嗣續徽音中外柔加小大
懷睦夫人之化國風美於鵲巢寶劍之沉夜氣

衝於牛斗享年四十八嗚呼咸亨二年某月日
終長杜之官第維天授三年春二月合祔於杜
陵之平原禮也王人弔祭儀仗官給長子某官
等毀形於骨痛貫於心父母哀哀昊天莫報佳
城鬱鬱白日何年願述餘風式銘幽壤其銘曰
鳳凰鳴矣于彼高崗顯允君子邦家之光猗與
令德秀於閨房歲云暮矣池樹荒涼歿則同穴
如何彼蒼

常州刺史伯父東平楊公墓誌銘

楊氏之先其來尚矣在皇爲皇軒在帝爲帝嚳
在王爲周武在霸爲晉文此之謂不朽西京爲
丞相東漢爲司徒魏室爲九卿晉朝爲八座此
之謂代祿公諱德裔字德裔弘農華陰人也卽
常州刺史華山公之元孫左衛將軍武安公之
長子生而岐嶷代不乏賢事親以孝聞在鄉黨
恂恂如也始以父任爲太子左千牛備身轉秀
容華亭福昌雒四縣令詔封東平公策勳上柱

國是時也天子仄席求賢勵精爲化以公屈臨
小縣焉用牛刀處治中別駕之任方展其驥足
耳擢拜潁州幽州二司馬寬以濟猛嚴而不殘
每行縣錄囚徒其所平反者十八九詔徵尚書
郎御史中丞審審亮直有王臣之節尋以公事
去官復拜饒州括州越州都督府三州長史在
會稽引陂水溉田數千頃人獲其利于今稱之
焉遷棣曹恒常四州刺史歷政清白爲當時所
重於是覽先賢之言知止足之分罷歸初服告

老私庭乃率羣從子弟營別業於宜城神鄉之
望仙里其制宅也宗廟爲先廡庫爲次居室爲
後喟然而言曰古人所謂歌於斯哭於斯聚國
族於斯者吾知之矣維文明元年夏四月某日
薨於正寢春秋八十有五嗚呼哀哉公簡貴不
交流俗非禮不動非禮不行望之儼然聽其言
也厲博觀史籍不學書生尋章摘句而已至於
臺閣舊事法令科條莫不成誦在心若指諸掌
凡爲尚書郎二年御史中丞滿歲宰人者四縣

上佐及專城者九州盛德形容被於歌詠門生
故吏遍於天下永淳二年輿駕幸東都召公見
於金城頓訪以得失公採撫羣言悉心以對高
宗嗟歎者良久賜几杖粟帛鄉里榮之一子令
珍早亾朝夕溫清者四女公慨然有喪明之痛
因不豫彌留遺命以弟之子神毅爲後越垂拱
元年春二月某日與夫人隴西李氏合葬於某
原禮也遠近會葬千餘人操筆而爲誄者以百
數嗚呼哀哉乃爲銘曰

巖巖華山峻極于天上侵神氣下固窮泉矣惟

積德生我大賢

其一

滔滔河水中國之紀派別九都經營萬里夫惟

積潤生我君子

其二

惟忻之城惟華之亭宜陽之地益部之星公爲

其宰不殞其名

其三

汝陰之國薊門之北陂水朝黃燕雲夜黑公爲

其佐日宣其德

其四

入踐郎官含香握蘭來居白室直繩明筆潘子

六除士師三黜

其五

邑號鄱陽山名括蒼東南之美吳會之鄉展其

驥足實賴王祥

其六

四州之大是稱都會千里之榮卽分麾蓋言旋

舊國保茲耆艾

其七

生爲貴臣歿爲貴神陰堂是夜古木非春鄧攸

無子天道何親

其八

入手叙次驚矯自出新意

丹陽公上騎都尉李公墓誌銘

公諱嘉字大善隴西成紀人也趙郡太守雍州

大中正上開府永康公之孫幽州都督鎮軍大

將軍上柱國丹陽公之子重華以文明允塞謨

九德於臯陶仲尼以恭儉溫良繙六經於柱史

將軍李牧人主願其同時河尹李膺天下思其

執御况乎衣冠代美祖考家嚴占於日月則宗

周之姬姓誓以山河則炎漢之劉氏公門承將

相地積英靈望之儼然橫斷山而鬱起聽其言

也注懸河而不竭玉則秦王所見天照白虹劍則殷帝所傳星浮紫氣假使蔡中郎之博學郭有道之人倫何嘗不迎王粲而倒屣爲茅容而下拜起家爲太子左千衛以調升也按河圖於玉版震一索而爲長男考天象於銅渾心前星而爲太子直城霞遶曲障雲平出入青牕之門周旋黑衣之列稍遷越王府戶曹參軍越之建國也地居南斗之躔王之受封也禮極東門之拜邴霍所以隆懿親恭和所以資明德一言而干楚后卽從雲夢之畋三見而說趙王仍襲土卿之印又遷隰川令川原爽塏風俗和平晉獻公之胤夷吾是邑代恭王之子郢容爲侯陽泉依六壁之城孟津合三溪之水公以輜車就列墨綬當官有蠶績於邴人用牛刀於魯邑市鄜無競不假鞭絲學校方興唯聞擊石諸侯取其軌則四海瞻其儀表爲杜陵之男子誰詣後曹蔑鄉里之小人願辭彭澤於是退歸初服就養私門戲嬰兒於階下扶老生於井上尋丁外艱

哀毀踰制加人一等俯就三年服闋襲封丹陽
公勲上騎都尉公以安車禮盛賜杖年高被服
先王之道優游太平之化左琴右書謀孫翼子
居常飽德不言何氏之萬錢直置當仁豈特于
公之駟馬清風可賞必有鸞鳳相期白雪時遊
多以神仙見屬義形於金石節貫於松筠西山
五日之朝將化羽而生翼北海明年之驗便展
辰而至巳以永淳元年八月二十一日終于京
師道政里之私第享年七十二嗚呼哀哉長子

隨州光化縣令守節等哀纏弔鶴痛結鄰人孝
之始也則身體髮膚所以全其性孝之終也則
衣裳棺槨所以成其禮天高八萬想京兆而何
從地闊三阡對佳城而有恨越弘道二年歲次
甲申正月甲申朔二十六日巳酉陪葬於昭陵
東南之平原桐樛櫟庸材瓶甗小器仰惟先友
叨雅契於金環俯逮嘉姻荷浚知於玉潤南容
有道僅聞將聖之言東武建塋俄述安仁之賦
嗚呼哀哉乃作銘曰

爰初帝子堯之大理降及真人國之柱史衣冠
百代慶靈千祀吉兆占熊嘉名贈鯉聿修厥德
必復其始大孝因心至仁繇已肅成門內章華
宮裏父任爲郎學優則仕陽山之曲蜀江之涘
月旦乘鳧田間御雉其心若鏡其直如矢亟改
炎涼罷歸桑梓象賢舊國安車暮齒忽愴池臺
俄悲生歿郭門一望郊煙四起夫復何言平生
已矣

楊盈川集卷之十二

唐華陰楊

炯

著

明閩漳張

燮

墓誌銘

從甥梁錡墓誌銘

故右衛率府翊衛安定梁錡年三十有八以上
元三年秋八月某日終于某所圖其景宿天有
大梁之星辨其物土地有大梁之國考其衣冠
人有大梁之姓綜乾坤而列位兼水木而成文

業耕織而樂琴書有梁鴻之雅尚生封侯而歿
廟食有梁竦之雄圖西山求白鹿之仙東海受
黃蛇之寶曾祖某光祿大夫開府儀同三司驃
騎將軍清河太守右衛大將軍同州刺史上柱
國郡守旁通於日建儀同上法於太階光祿大
夫上大夫之職驃騎將軍大將軍之比祖某河
南澠池令鄭州司功叅軍事冀州蒲州二府司
馬朝散大夫紀王府司馬襄州同州二長史仲
繇宰邑蕭何主吏桓溫之徵謝奕暫爲司馬之

官周景之禮陳蕃仍降題輿之命考某國子學
生霍王府叅軍并州大都督府兵曹揚州大都
督府錄事叅軍仲尼閑居曰參不敏天子命我
叅卿軍事張常山之福應直保金鈎謝太傅之
閨門唯生玉樹所以圓光折水真氣衝天狹笑
之時見之者知其孝友能言之際聽之者許以
聰明審清河管輅之天文對江夏黃童之日蝕
揮其勁翮則鳳凰飛鳴於赤山整其蘭筋則駿
馬騰驤於綠地若夫神龍負卦瑞雀銜書安鑿

王汲冢之文穆天子羽陵之籍莫不因條報葉
望表知裡鄭玄殫見覽萬卷之八千班固洽聞
涉五經之四部至如瑯弧夜月筋角三才鐵劔
秋霜煙雲五色莫不推之以智勇成之於揖讓
歷諸侯而說劔直之無前引司馬而操弓觀者
如堵可謂多材天縱盛德日新曼倩不讓於詩
書翁歸兼強於文武錄是交道遂廣聲名益振
朱家大俠滕公有然諾之言劇孟過人袁盎有
逢迎之禮及其從微至著資父事君籍丹書之

勲業參黑水之行伍神宮海外瞻鏤榜於明山
太室雲端聽仙簧於洛水翊駕馳道周廬甲觀
方當奉詞出使萬里行封受命忘身三軍拜將
豈期年歲朝露浮生過隙漢逸人之雅操命也
如何魯司寇之知言苗而不秀嗚呼哀哉望吾
子者空懷倚廬之歎嗟余弟者獨有丁琴之悲
從日月於龜謀考圖書於馬鬣越以儀鳳三年
春二月某日甲子葬於某所悲夫吾見其進錄
來孔李之家吾謂之甥實曰何劉之族陽元旣

歿瞻舊宅而無成康伯不存對玄言而誰與其
銘曰

山河帶礪金木精靈磊磊千丈森森五兵駢驂
西掖出入東明人壽無幾皇天不平碑留郭泰
挽送田橫終寂寥於相宅空嗟歎於佳城

從弟去盈墓誌銘

古者黃帝軒轅氏沒帝嚳高辛氏作幼而徇齊
長而敦敏則天下之人用其教者百年忠肅恭
懿宣慈惠和則天下之人謂之才者八子黃鳥
旗而白魚躍有周武之興王彤弓一而旅矢千
有晉文之啟霸雖隱公遜位哀侯失國而文之
昭也武之穆也司徒爲五教之官有社稷焉有
黎人焉丞相臨萬機之職嶠函鼎盛赫弈於朱
輪河洛台階昭彰於白玉積善餘慶信而有徵

國子進士楊去盈字流謙弘農華陰人也曾祖
諱初周大將軍隋宗正卿常州刺史順楊公皇
朝左光祿大夫華山郡開國公食邑本鄉二千
五百戶唐虞之稷契魏晉之裴王晏嬰可以事
百君臯繇爲之暮九德麾蓋兵馬人知牧伯之
尊名山大川地積公侯之氣王考諱安僞鄭王
克逼授二十八將封鄆國公尋謀歸順爲克所
害皇朝贈大將軍旌忠烈也陶謙雅尚祖逖雄
心會天子之蒙塵見諸侯之釋位雖陳平去就
潛懷仗劍之謀而石勒兇殘遂及推牆之禍父
某潤州句容遂州長江二縣今朝散大夫行鄧
州司馬文武兼備清明在躬人無間言位不克
量四方取則孔宣父之踐中都百里非才龐士
元之登別駕若夫庭生玉樹身帶金環有衛玠
之風神有張良之容貌蔣琬之譏盛允責在司
空陳蕃之對薛勤志清天下觀其昏定晨省立
身揚名惟草蔚其休徵神魚會其冥感莊公獨
歎聞穎叔之純淡有道相推見茅容之盡禮則

闡門雍穆以孝聞也輔仁會友合志同方晏平
仲之善交鮑叔牙之知我張堪歿日妻子唯託
於朱暉劉惔生平風月每思於玄度則朋友之
德若蘭芬也朱穆好學中食忘餐譙周研精欣
然獨笑張華四海之內若指諸掌班固百家之
言無不窮究鈎深致遠悅丘墳也八音繁會五
色章明動天地而感鬼神序人倫而成孝敬陽
臺竝作楚襄王賜雲夢之田上林同時漢武帝
給尚書之筆則瓊敷玉藻未足多也自攝齊東
序撰杖西膠推宰我之能言貴顏回之有德成
如麟角道尊於壁水之前翼若鴻毛俯拾於金
門之下方將咫尺宣室扈從明庭申賈誼之忠
讜盡揚雄之規諫豫章七載擢修幹而聳長條
有鳥三年搏積風而運滄海豈期數有迤否天
無阜白苗而不秀秀而不實者蓋有是夫古人
有言沒而不朽者此之謂也春秋二十有六以
上元三年五月二十二日歿于京師勝業里嗚
呼哀哉至儀鳳四年十二月二日歸葬於華陰

之某原不忌本也山河鬱鬱松柏蒼蒼骨肉閉
兮歸后土魂魄遊兮思故鄉三荆搖落五都悲
涼痛門戶之無主悼人琴之兩亡嗚呼哀哉乃
爲銘曰苗而不秀秀而不實春而冬冬而夏
高掌遠蹠濁涇清渭天子諸侯司空太尉星辰
鼓舞山澤通氣道在者尊德成爲貴賈家三虎
偉節最怒荀氏八龍慈明無雙劍光冲斗壁氣
浮江據於道德聞於家邦子之承親溫席扇枕
子之友悌同輿共寢朝歌不入盜泉不飲垂露
崩雲繁絃縹錦明經太學謝策鴻都對揚天子
高揖司徒鱗鬪將運波濤不虞子之喪也良可
悲夫瞻望不及佇立以泣唯見黃埃心傷以摧
躑躅兮徘徊嗚呼兮哀哉長夜漫漫何時旦魂
兮魂兮歸去來

熟而巧生肆筆變幻大尊獨浮無所不可

木其從弟去溢墓誌銘續代表心天受高興主

處士弘農楊去溢年二十卽華山公之曾孫大將軍之孫朝散大夫鄧州司馬之第四子也維嶽有五有華山之金石焉山阜相屬含谿懷谷所以鎮其南也維瀆有四有河宗之玉壁焉波瀾汨起洄洑萬里所以經其北也言其土地則巨靈之高掌遠躡作西漢之城池敘其衣冠則太尉之四代五公爲東京之柱石然後積勲累德枝分葉散大君有命臨夏日之壇場天子動

容聽秋風之金鼓是以熊羆入兆羔鴈成羣黃
憲之名聞於海內陳蕃之志掃於天下羣童忽
聚逢苦李而懸知賓客相過問楊梅而卽對善
父母爲孝善兄弟爲友居家可移之道也利者
義之和貞者事之幹元亨日新之德也若夫節
陵遺策汲冢殘書倚相之八索九丘張華之千
門萬戶莫不山藏海納學無所遺至如白雪避
光清風度曲崔亭伯真龍之氣揚子雲吐鳳之
才莫不玉振金聲筆有餘力遠心天授高興生
知盡江海之良圖得煙霞之秘算貞不絕俗從
容於名教之場道繇人弘坐臥於羲皇之代于
時朝廷之上山林之下英儒瞻聞之士洪筆麗
藻之客希末光而影集聽餘聲而響和者猶藩
籬之望天地鱗介之宗龜龍也嗟乎陰陽爲道
大道無亭毒之心禍福唯人聖人有抑揚之教
智焉而斃仁焉而終今也則亾歎顏回之短命
歿而可作冀隨會之同歸文不在茲乎天之將
喪也以某年某月某日終於某所越儀鳳四年

十月二日歸葬於華陰之某原林野彌望關山
寥廓樵童牧豎孟嘗君之池臺一去千年丁令
威之城郭悲纏於魯衛痛深於花萼姜肱沒齒
無因共被之歡鍾毓生年非復同車之樂嗚呼
哀哉乃爲銘曰

叔虞建國天錫之唐伯僑受氏食采於楊五侯
簪黻四代軒裳有德有行如圭如璋乃生男子
初寢之牀從公小大辨日炎涼天下之寶邦家
之光神鋒太俊旗鼓相當事親以禮左右無方
交朋以信芝蘭有芳文犀健筆白鳳雕章鵬鷄
齊致江湖兩忘謂天輔德則惟其常殲我吉士
于何不傷關山搖落洲渚蒼茫黃塵匝地白露
成霜左右刮骨親賓斷腸摧殘玉樹埋沒金鄉
交交黃鳥爰集于桑命不可贖人之云亾

嗚悲蹠躩才氣橫流不復知為駢体生活矣其銘亦

道甚

彭城公夫人爾朱氏墓誌銘
夫人爾朱氏河南洛陽人也若夫陰山表裏衝
北斗之璣衡瀚海彌綸直西街之畢昴四時銜
火燭龍開照地之光六月搏風大鵬運垂天之
翼繇是奄有京縣遂荒中土車書禮樂三王之
損益可知將相公侯百代之山河不殞祖敞隋
儀同三司金紫光祿大夫岐同金申信臨徐七
州摠管兵部尚書金城郡開國公天列尚書之
星地標光祿之塞出身萬里知呂岱之元勳專

文文黃陽武安... 奉命... 人... 云...
... 山... 洛... 陽... 人... 也...
... 若... 夫... 陰... 山... 表... 裏... 衝...
... 北... 斗... 之... 璣... 衡... 瀚... 海... 彌... 綸... 直... 街... 街... 之... 畢... 昴... 四... 時... 銜...
... 火... 燭... 龍... 開... 照... 地... 之... 光... 六... 月... 搏... 風... 大... 鵬... 運... 垂... 天... 之...
... 翼... 繇... 是... 奄... 有... 京... 縣... 遂... 荒... 中... 土... 車... 書... 禮... 樂... 三... 王... 之...
... 損... 益... 可... 知... 將... 相... 公... 侯... 百... 代... 之... 山... 河... 不... 殞... 祖... 敞... 隋...
... 儀... 同... 三... 司... 金... 光... 祿... 大... 夫... 岐... 同... 金... 申... 信... 臨... 徐... 七...
... 州... 摠... 管... 兵... 部... 尚... 書... 金... 城... 郡... 開... 國... 公... 天... 列... 尚... 書... 之...
... 星... 地... 標... 光... 祿... 之... 塞... 出... 身... 萬... 里... 知... 呂... 岱... 之... 元... 勳... 專...

命一方識劉弘之重寄父休最隋左千牛備身
朝散大夫齊王府司馬襲封爵金城公大夫稱
代諸侯胙土淮仙致雨仍攀桂樹之山楚客臨
風夏入芙蓉之水夫人玉臺貞氣金河靈液蔡
中郎之女子早聽色絲謝太傅之閨門先揚內
則彭城公發源殷伯承家漢相山川氣候彰白
武於臯繇象緯休徵下蒼龍於曼倩三星照夜
佇稽鳴鴈之期七日乘秋坐薦飛凰之兆夫人
年甫十八遂歸於我巫山南眺逢暮雨於瑤姬
攀嶽西臨降明星於玉女動合詩禮言成軌則
晨昏展敬事極於移天蘋藻挈誠義申於中饋
女郎砧石響明月而思晨風織婦機牀聽寒蛩
而催絡緯用曹大家之明訓執宋伯姬之貞節
加以心依八覺理會三空遊智亦於檀林泛仙
舟於法海幾神獨照默言象而無施空有兼忘
束筌蹄而不用人生天地壽非金石銀臺竊藥
想奔月而何年玉釜煎香思反魂而無日以某
年月日終于平康里之私第越上元三年十月

二十日合葬于城南之畢原禮也齊侯寢側杜
氏階前對文王之畢原用周公之合葬偃松千
古長無寡鶴之悲文梓百尋還見雙鴛之集其
銘曰
合葬非古周公所存歿生千載棺槨雙魂野曠
風急天寒日昏煙霾杳嶂霧失遙村紀黃絹之
碑表對青松之墓門

晉書伯母東平郡夫人李氏墓誌銘

夫人姓李氏隴西狄道人也自涼武昭王以後
一門三公爲四海蕃族國史家謀詳之矣祖克
頴後周大將軍涇州刺史流江郡公考玄明皇
朝上儀同 濟三州刺史成紀縣男出入三朝
剖符分竹秦隴河濟之地入到于今稱之天下
士大夫知與不知莫不想望其風采夫人生而
純淡幼而恭敬長而敦睦成而和惠年及初笄
甫歸於我執箕箒奉舅姑人未聞於其娣姒妾

勝之言閨門之內穆如也故宗黨推其令聞鄉
閭以爲美談東平公守清白之基逢太平之日
辟命交至嚴聞于天詔徵尚書郎遷御史中丞
出爲棣曹恒常四州刺史夫人輔佐君子業修
內政平旦纒笄則有君臣之嚴沃盥饋食則有
父子之敬報反而行則有兄弟之遵受期必誠
則有朋友之信其婦德也如此歷職中外嚴名
籍甚和其琴瑟正其邦家者夫人與有力焉茲
嘗喟然而言曰古者卿之內子爲大帶命婦成
祭服社而獻功可不勗哉可不勗哉繇是服澣
濯之衣躬紡績之事筐筥錡釜之器所以執其
勞蘋蘩蘊藻之菜所以明其德非夫博文達禮
貞婉聽從者孰能與於此乎及公乞骸告老退
歸初服夫人年踰耳順視聽不衰每獻歲發春
日南長至羣從子弟稱觴上壽者動至數十百
未嘗不勸言善誘借以溫顏侃侃焉閭閻焉有
孟母之風焉有敬姜之誨焉維永淳元年秋八
月有疾寢疾彌留終於華陰之望仙里享年

八十有八冬未一月一日景辰遷窆於永豐鄉
之平原從先兆也東平公撫存懷舊用痛悼于
厥心遠近咸集宗親畢會生榮死哀其此之謂
矣是日也皇太子監守長安炯忝爲詹事司直
不獲就展喪次陪奉靈輶敢薦李顥之文庶同
潘岳之誄嗚呼哀哉乃爲銘曰公之將去也
高岳之上浮雲翔兮函谷之外真氣揚兮建功
北狄討西羗兮受封南鄭家素昌兮於赫祖考
爲龍光兮牧州典郡佩銀黃兮降生淑質秉禎
祥兮茗華菊茂蘭若芳兮我有懿德如珪璋兮
求之卜筮鳴鳳凰兮君子至止玉環鏘兮室家
好合琴瑟張兮執其麻枲供衣裳兮羞其饋食
澄酒漿兮諸姑伯姊穆溫良兮姨姒叔妹歡未
央兮公之出門牧守四方兮夫人之化德洋洋
兮公之告老返維桑兮閨門之內道彌彰兮正
月上日南至長兮子孫歡慶各稱觴兮宋云孟
母魯季姜兮匪怒伊教繇舊章兮方期高舉登
紫房兮誰謂冥默掩玄堂兮肅肅松檟鬱成行

今沉沉厚塹終不賜兮望今蕭蕭公跡

丹界老妻念到法身終歸草兮文興高舉登

公公之奇法受無象兮

夫公之山門前守出志公之

公國來公精於公

公公不

宋之

公令

楊盈川集卷之末章香

唐華陰楊炯

明閩漳張燮紹和纂

東行狀

中書令汾陰公薛振行狀

高祖德魏給事中黃門侍郎御史中尉散騎常

侍直閣輔國二將軍齊州刺史贈車騎將軍儀

同三司華州刺史謚曰簡懿曾祖孝通魏中書

黃門二侍郎銀青光祿大夫散騎常侍關西道

大行臺右丞常山太守汾陰侯贈車騎將軍儀
同三司齊鄭二州刺史祖道衡齊中書黃門二
侍郎隋吏部內史二侍郎上開府儀同三司陵
和潘襄四州刺史襄州總管司隸大夫皇朝贈
上開府臨河縣開國公父收皇朝上開府兼陝
東道大行臺金部郎中天策上將軍府記室叅
軍崇文館學士上柱國汾陰縣開國男贈定州
刺史太常寺卿謚曰獻河東郡汾陰縣薛振年
六十二字元超狀昔者唐堯之協和萬邦也有
若四嶽之敬順昊天曆象日月虞舜之慎徽五
典也有若八元之忠肅恭懿宣慈惠和夏禹之
分別九州也有若咎繇之謨明弼諧允建厥德
殷湯之南征北怨也有若伊尹之格于皇天姬
文之受命作周也有若虢叔之聞于上帝自唐
虞而列考及秦漢而無譏元首必藉於股肱方
隆太平之化賢者必待於明主克致崇高之業
若夫驂駕六龍驅馳七聖斟酌元氣財成天道
者其惟聖人乎弘闡大猷發揮神化匡正八極

阜成兆人其惟良宰乎我大唐之建國也粵若
神堯明揚側陋文王叶于朕卜迎太公於渭水
高宗求于朕夢得良弼於傅巖若歲大旱以爲
霖雨若濟巨川以爲舟楫者也公含天地之間
氣依日月之末光能備九德兼資百行探曠索
隱極深研幾髫鬣之際羞言霸道詞賦之間已
成王佐年六歲襲爵汾陰男十一太宗召見勅
弘文館讀書十六爲神堯皇帝挽郎十九尚和
靜縣主高宗升儲之日也勅公爲太子通事舍

人二十二除太子舍人高宗踐位詔遷朝散大
夫守給事中年二十六尋拜中書舍人弘文館
學士三十二丁太夫人憂去職起爲黃門侍郎
固辭不許修東殿新書畢進爵爲侯公毀瘠過
禮多不視事出爲饒州刺史上夢公徵爲右成
務四十復爲東臺侍郎是歲也放李義府于邛
笮舊制流人乘禁馬公爲之言左遷簡州刺史
歲餘上官儀伏誅坐詞翰往來徙居越嶲五十
三赦還拜正諫大夫五十四遷中書侍郎尋同

中書門下五品兼檢太子左庶子五十九遷中
書令車駕幸洛陽詔公兼戶部尚書與皇太子
居守俄以風疾不視事高宗崩輿疾往神都抗
表辭位至於再至於三詔加金紫光祿大夫仍
聽致仕以光宅元年季冬歿於洛陽豐
財里之私第嗚呼哀哉公地藉膏腴姻連戚里
鼎湖長往拜卿子而爲郎金牘洞開徵列侯而
尚主遂乃彈冠筮仕策名委質叩天門於畫闕
攀鳳翼於紫林凡升右轄者一年居外臺者兩
部四遷門下二入中書用能燮理我陰陽經緯
我天地鹽梅我寶鼎梁棟我宸極理百官而察
萬人平邦國而和上下借如風后天老左右軒
皇蕭何曹參謀猷漢室未有一心事主四十餘
年參兩宮而出入歷三臺而陟降合其道也大
壑縱其鯤鵬遇其時也名山出其雲雨功成輔
弼德邁幾淡星象不憊方踐中台之位山川竝
走竟遊東岱之魂天不憖遺民將安仰越翼日
詔贈光祿大夫使持節都督秦成武渭四州諸

軍事秦州刺史餘如故賜物四百段米粟四百石東園秘噐凶事給儀仗至墓所往還司賓卿監護璽書弔祭別降中使賜歛衣一襲雜物百段又詔陪葬乾陵依故事也公襲封之年也受左傳於同郡韓文汪至天王狩河陽乃廢書而歎曰周朝豈無良相何得以臣召君文汪異焉神堯皇帝婕妤河東郡夫人公之姑也每侍高祖詞翰高祖嘗顧曰不見婕妤經數日便謂社稷不安其見重如此上幸溫泉射猛獸公奏疏極諫上深納焉後因閑居謂公曰我昔在春宮與卿俱少壯光陰倏忽已三十年往日賢臣良將索然俱盡我與卿白首相見卿歷觀書傳君臣共終白首者幾人我觀卿大憐我我亦記卿深公感激稽首謝曰先臣早參麾蓋文帝委之以心膂臣又多幸天主任之以股肱誓期殺身報國致一人於堯舜伏願天皇遵黃老之術養生衛壽則天下幸甚賜金二百鎰公有事君之節也不亦忠乎每讀孝子忠臣傳未嘗不慷慨

流涕以爲帝舜非孝子朱雲非忠臣客有譏之者公曰寧有揚君父之過而稱忠孝哉太夫人薨公每哭嘔血杖而後起上見公柴毀泣曰朕遂不識卿卿事朕君父一致遂至於滅性可無念乎中書省有一磐石隋內史府君常踞而草詔及公揮翰躍鱗每見此石未嘗不泫然流涕公有至性之道也不亦孝乎其年修晉史筆削之美爲當時最孝敬崩詔公爲哀冊上幸九成宮勅皇太子赴行在置酒別殿享王公以下時

太子英王侍皇帝酒酒酣公獻壽曰天皇合場象乾將三男震坎艮今日是也土火懽百官舞蹈稱萬歲賜雜物百段銀鏤鐘一枚吐蕃不庭詔英王爲元帥摠戎西討公賦西征詩一首土稱善嗟歎者久之因代英王屬和御筆繕寫朝以爲榮公有屬詞之美也不亦文乎黃門侍郎上疏薦高智周任希古郭正一王義方顧徹孟利貞等後皆有重名歷登清貫及兼左庶子又表鄭祖玄沈伯儀賀覲鄧玄捷顏強學崔融等

十人爲學士天下服其知太公爲右成務獻封
禪書及平夷策上深納焉或有抵罪者同類數
百經赦令獄官評經年不決竟以死論公上疏
陳其濫詔百寮廷議獄官及諸案臣未有所決
公酌對如響衆咸服焉上歎息曰幾令我殺無
辜之人百寮莫不震懼後上疏陳請備塞垣未
幾而匈奴背誕公有神通之鑒也不亦明乎儀
表魁傑鬢眉若畫身長七尺四寸望之儼然喜
慍不形於色雖至於近習左右胥徒僕妾莫不

待之以禮公有行已之方也不亦恭乎在饒州
六年以仁明馭下鄱陽北岡上忽生芝草一株
郡人以爲善政所致共起一舍號曰芝亭因立
碑頌德公有馭人之術也不亦惠乎在邛都十
餘載沉研易象韋編三絕賦詩縱酒以樂當年
有醉後集三卷行於世公有安和之德也不亦
康乎上初覽萬機公上疏論社稷安危君臣得
失上大驚卽日召見不覺膝之前席歎曰覽卿
疏若暗室而照天光臨明鏡而覩萬象此後寵

遇日隆每軍國大事必參謀帷幄在中書獨掌
機務者五年出納帝命口占數百上曰使卿長
在中書一夔足矣大駕東巡詔公留守上曰朕
之留卿若去一目若斷一臂關西事重一以委
卿因賜物百段公有社稷之勲也不亦重乎若
夫有官功者賜其官族有大行者受其大名公
叔列國之陪臣猶安社稷黔婁匹夫之介節不
忘仁義古今以爲通訓書籍以爲美談况乎輔
佐明主寧濟天下生歿無二始終若一業高於
六相道貫於五臣其生也榮同心比於周召其
歿也哀陪葬均於衛霍豈使易名之典不及於
會同賜謚之文不傳於終古門生故吏願述德
音博士禮官佇聞清議是則鍾繇之策降於皇
魏之年王導之疏寢於中興之日謹狀

垂拱元年四月四日故中書令汾陰公府功曹
姓名謹上文昌臺考功竊聞生爲貴臣車服昭
其令德歿而不可謚號光其大名今謹按故府
主中書令汾陰公贈秦州都督薛元超以王佐

之才逢太平之會撫綏萬國康濟兆人力牧輔
軒皇未爲盡善皐陶佐大禹猶有慚德名遂身
退生榮歿哀羽父之請魯君抑惟舊典衛侯之
謚文子庶幾前列謹上

左武衛將軍成安子崔獻行狀

祖弘壽隋獲嘉樂縣開國侯父萬善皇朝左監

門將軍持節隆州諸軍事守隆州刺史

壽左監軍夔嘉男
萬善閬州刺史上護軍安縣開國男謚曰信

君諱獻年六十七夫推其天命南端上將之文

考其地靈北極崆峒之武厭次有東方曼倩早

達於孫吳瑯琊有諸葛孔明浚期於管樂貞觀

九年起家太穆皇后挽郎十六年授營州都督

府叅軍事燕齊遼遠所以分置營州天子命我

以叅卿軍事太宗文武聖皇帝把金鉞動璇璣
發西上之人爰整其旅問東夷之罪恭行天罰
公自家刑國資父事君樂王粲之神武棄班超
之筆硯一鼓作氣方輕肉食之謀七旬舞干始
受昌言之拜二十三年遷除王府西閣祭酒梁
孝王武者漢皇之少子廣東苑屬平臺則司馬
相如所以騁其詞賦陳思王植者魏國之天人
遊西園擁飛蓋則邯鄲子淑所以爲其賓友飛
徽六年授晉州司士龍翔三年遷岐州司戶剪

桐垂棘珪璧相輝紫鳳寶雞休祥狎至從軋值
吳之風土被山帶河之國邑邦君坐嘯方推太
守之名鄰國從游始屈陪臣之禮尋于外憂三
年泣血一慟能使禽獸莫觸其松柏神仙每畱
其玉石春秋忽變有君子之終身金革不辭達
賢人之俯就麟德元年有詔起公爲左威衛修
仁府左果毅都尉仍命羽林軍長上乘輿歷日
月步山川詳益地之圖書聽干雲之律呂長城
十角盡入隄封高闕三襲竝爲州縣於是九姓

抗表請築安北府城詔公馳驛許以便宜從事
則榮奉中旨計日期還親降鑾輿待於故都樓
上雖復東西萬里張博望之尋河裝橐千金陸
大夫之使越猶未聞降星蹕迴帝車擬於陶侃
扣天門之八襲方於魯陽留白日於三舍若夫
類上帝徧羣神則孔宣父之所刊者五年一狩
登泰山禪梁父則管夷吾之所識者十有二君
秦皇致風雨之迷魏后積貂羊之恥夫名山之
所望非我后而誰哉是以馭蒼龍控翠鳳陰陽
不測發揮於作樂之文天地無私揖讓於升中
之禮公受命陪祠汶上扈蹕梁陰列藩衛於環
星受嘉名於捧日與夫茂陵之下獨留符命之
書河洛之間不覩漢家之事豈同年而語也朝
鮮舊壤歌箕子之風謠斗骨危城屬阿孫之背
誕地惟孤竹不聞謙讓之名親則同株曾無急
難之意特進泉男生以蕭牆構孽蔓草方滋欲
去危而就安思轉禍而爲福請歸有道使者相
望天皇慙一物之推溝詔公於國城內迎接先

之以造化之大示之以雷霆之威受其壁焚其
櫬更徵侍子來朝京闕亦猶酈生憑軾入齊國
而下其城賈誼上書伏匈奴而答其背軋元元
年詔遷游騎將軍左威衛義陽府折衝都尉仍
加上柱國右羽林軍長上如故是歲也太子太
師英國公登壇以拜鑿門而出紫泥明詔不入
於三軍之中黃石奇兵自行於九天之外山林
爲室不能有藩籬之險魚鼈成橋不能有逃亾
之路詔公出使預叅帷幄進奇策納嘉謀攘無

臂而執無兵戰必勝而攻必取斬大風之翼霧
卷青丘臥長鯨之鱗煙銷碧海二年以平夷功
詔除定遠將軍右武衛中郎將檢校左羽林軍
總章二年詔遷宣威將軍守左武衛將軍封成
安男咸亨二年進爵爲子尋奉別勅檢校右羽
林軍餘如故太夫人以桑榆晚節霧露沉痾減
年歲之扶危受皇天之賜藥屢陳表疏方請告
歸頻降絲綸未蒙優許則知忠臣奉上多從孝
子之門受命臨戎始見忘家之事潘安仁之愷

弟始奉輕軒張景胤之純潔終悲畫扇儀鳳三年以內憂解職尋降詔起復本官四年加雲麾將軍正除左武衛將軍檢校右羽林軍如故王人奪服纔聞趙熹之喪明主相憂獨訝何曾之歿且割哀而從禮將以義而斷恩受軍麾命服之數掌期門狄飛之職以漢宮清署忽照邊烽秦塞長城遂聞胡馬匈奴未滅霍去病是以辭家天子動容周亞夫於焉不拜調露元年詔公龍門鎮守兼於夏州防捍飲水受命倍道兼行

輒甲成勞晦明爲疾壘書降下卽日追還中使接跡於家庭尚藥綢繆於錫賚人生詎幾神道何知仰觀於天值三軍之星落俯察於地逢五將之山崩詔書來北斗之門圖像在南宮之壁以三年秋七月薨於紫桂宮右羽林軍之官第詔賜御食并錦被一張常服一襲雜采百五十段贈物一百段粟一百石勅書弔贈禮越常班喪葬所資數優恒典公琳琅觸目日月在懷陶謙則戲引幡旗賈逵則常陳步伍閨門有德歡

若友朋事君無隱心如鐵石至如出車授鉞東
征西討孤虛向背則雖女子之衆可以當於夾
夫前後折旋則雖婦人之兵可以蹈於湯火鬼
起而鳧舉龍騰而鳳飛無戰不平無城不尅有
如馮異羞言大樹之功宛似魯連不受黃金之
賞太平之事業行矣人主之恩榮備矣山河之
寵久預同盟社稷之臣俄悲輟祭聖君興悼列
辟相趨覩高屋而歎良弓聞鼓鼙而思將帥宏
圖秘略實無得而稱焉追遠飾終請有易其名
者謹狀

永隆二年正月十一日故左武衛將軍成安子
府功曹某上尚書省考功名也者功之表也謚
也者行之跡也公叔文子曾辱四隣之交黔婁
先生有餘天下之貴謹按故府主左武衛將軍
上柱國成安子崔獻誕靈辰昴降德山河漢陽
閻忠許有良平之策潁川徐庶知其管樂之才
生覩太平仕逢明主秋風金鼓有司馬之論兵
吉日壇場有將軍之拜職任重而道遠功成而

身退奄息百夫之特彼蒼者天相如手載之人
猶有生氣珠襦玉匣禮備於喪終筮短龜長事
從於先見易名之道蓋取之於舊儀累德之文
敢希之於執事謹狀

祭汾陰公文

維大唐光宅之六祀太歲甲申冬十有二月戊
寅朔丁亥御辰楊炯以柔毛清酒之奠敢昭告
于故中書令汾陰公之靈嗚呼哀哉惟公會純
德而載誕兮稟元精而秀出備百行而立身兮
半千年而委質屬天地之貞觀兮逢聖人之得
一若夔龍稷禹之寅亮舜朝兮若蕭曹魏邴之
謀猷漢室懸大名於宇宙兮立大勳於輔弼如
何斯人而有斯疾曾未遐壽中年殞卒嗚呼哀

哉若夫家傳寶鼎地闢金構文則屬詞而比事
兮學則八索而九丘入則東藩之上相兮出則
南面之諸侯唯盡善兮未善固雖休而勿休既
知退而知進兮亦能剛而能柔大才則九功惟
敘兮大智則萬物潛周崇德廣業兮樂天知命
而不憂嗚呼哀哉門館虛兮寂寞歲窮陰兮搖
落備物儼兮如存光靈眇兮焉託垂總帷與祖
帳兮罷歌臺與舞閣天子惜其毗余兮羣臣思
其可作嗚呼哀哉俯循兮弱齡叨襲兮簪纓公
夕拜之時也旣齒跡於渠閣公春華之日也又
陪遊於層城叅兩宮而承顧盼兮歷三紀而洽
恩榮郭有道之青目兮蔡中郎之下邇倏焉今
古非復平生無德不報兮願摩頂而至足有生
必歿兮空飲恨而吞穀天慘慘兮氣冥冥月窮
紀兮日上丁藉白茅兮無咎和黍稷兮非馨嗚
呼哀哉

圖書掌於河洛測璇玉之璣造化窮於制作大
風積也方絕於雲天有力負之生悲於溝壑嗚
呼哀哉言念平生求其友聲適我願兮共得朋
從之道又吾姨也俱承下嫁之榮良辰美景必
窮於樂事茂林修竹每叶於高情援蒹蘭而無
媿指金石以當行誰言倏忽遽隔幽明人非兮
地是心折兮骨驚十日兮先遠陰靈凝兮歲將
晚臨平交兮望行幃君一去兮何時返石室兮
沉沉蓬萊山兮寂又陰蒼煙漫兮紫苔浚陳絮
酒兮涕沾襟嗚呼哀哉

詹事府官僚祭郝少保文

少詹事鄧玄機永昌令令狐恩府司直王思善

楊炯主簿鄭行談等謹以清酌庶饘之奠敬祭

太子少保郝公之靈若夫星象降質山川受氣

以道爲尊以和爲貴軒后夢之於大澤文王卜

之於清渭實馮舟楫之功必藉鹽梅之味昭昭

北斗宮號文昌隱隱西液池名鳳凰增萬機而

參政本定五字而對休光珥豐貂之鞞鞞識遺

佩之鏘鏘懸車之歲方稱國老步輦之榮遂居

師保劉蕃以光祿緝訓和嶠以尚書贊道百年
方享於期頤五福冀徵於壽考西山訪藥北壁
尋經金丹不化玉斧何成梁木斯壞曲池坐平
府庭颯而變色寮屬慘而相驚嗚呼哀哉玄機
等親聞教義夙承提獎懷德音之不忘痛丹壑
之長往門館闐寂簾帷彷彿奠行潦之蘋蘩庶
明靈之降饗嗚呼哀哉

爲梓州官屬祭陸鄴縣文

維垂拱二年太歲景戌正月壬寅朔二十二日
癸亥長史劉某謹以清酌庶饌之奠敬祭陸明
府之靈夫萬里之別猶使飲淚成血思德音之
斷絕况百年之分能不憂心如薰想公子今氣
氤維彼積德挺生夫君天垂白氣地發黃雲江
則有沱爲國之紀君傳其政愛人如子山則有
梁鎮茲一方君弘其道視人如傷久勞于外道
阻且長曾未朞月人之云亾嗚呼哀哉哀哀弱

嗣朝暮一溢皎皎孀妻饋平下室蜀門如劍長
安如日歸路何從我心如疾嗚呼哀哉凡我在
位羈官邊城共戮力今誰言死生思其人今造
其庭恍無見今寂無聲稱傷今醑酒心折今骨
驚嗚呼哀哉

附錄

楊炯傳

石晉劉焘駒其

楊炯華陰人伯祖虔威武德中官至右衛將軍
炯幼聰敏博學善屬文神童舉拜校書郎爲崇
文館學士儀鳳中太常博士蘇知幾上表以公
卿已下冕服請別立節文勅下有司詳議炯獻
議駁之繇是竟寢知幾所請炯俄遷詹事司直
則天初坐從祖弟神讓犯逆左轉梓州司法叅
軍秩滿遷授盈川令如意元年七月望日宮中

出孟蘭盆分送佛寺則天御洛南門與百寮觀
之炯獻孟蘭盆賦詞甚雅麗炯至官爲政殘酷
人吏動不如意輒榜殺之又所居府舍多進士
亭臺皆書榜額爲之美名大爲遠近所笑無何
卒官中宗卽位以舊寮追贈著作郎文集三十
卷炯與王勃盧照隣駱賓王以文詞齊名海內
稱爲王楊盧駱亦號爲四傑炯聞之謂人曰吾
愧在盧前恥居王後當時議者亦以爲然其後
崔融李嶠張說俱重四傑之文崔融曰王勃文
章宏逸有絕塵之跡固非常流所及炯與照鄰
可以企及盈川之言信矣說曰楊盈川文思如
懸河注水酌之不竭旣優於盧亦不減王恥居
王後信然愧在盧前謙也開元中說爲集賢大
學士十餘年常與學士徐堅論近代文士悲其
凋喪堅曰李趙公崔文公之筆術擅價一時其
間孰優說曰李嶠崔融薛稷宋之問之文如良
金美玉無施不可富嘉謩之文如孤峰絕岬壁
立萬仞濃雲鬱興震雷俱發誠可畏也若施於

廊廟則駭矣閭朝隱之文如麗服靚粧燕歌趙
舞觀者忘疲若類之風雅則罪人矣問後進詞
人之優劣說曰韓休之文如大羹旨酒雅有典
則而薄於滋味許景先之文如豐肌膩體理雖
穠華可愛而微少風骨張九齡之文如輕縑素
練實濟時用而微窘邊幅王翰之文如瓊杯掌
雖爛然可珍而多有玷缺堅以爲然虔威子德
幹高宗末歷澤齊汴相四州刺史治有威名郡
人爲之語曰寧食三斗蒜不逢楊德幹子神讓
天授初與徐敬業於揚州謀叛父子伏誅

楊炯小傳

宋宋 祁

炯華陰人舉神童授校書郎永隆二年皇太子
已釋奠表豪俊克崇文館學士中書侍郎薛元
超薦炯及鄭祖玄鄧玄挺崔融等詔可遷詹事
司直俄坐從父弟神讓與徐敬業亂出爲梓州
司法參軍遷盈川令張說以箴贈行戒其苛至
官果以嚴酷稱吏稍忤意榜殺之不爲人所多
卒官下中宗時贈著作郎

卒官于中宗朝

官果以端調解吏部

同去參詳

同直州坐錄

既凱

已

華

贈別楊盈川箴

唐張說

杳杳深谷森森喬木天與之才或解其祿君服
六藝道德為尊君居百里風化之源才勿驕恠
政勿苛煩明神是福而小人不寃畏其不畏存
其不存作誥茲酒成敗之根勒銘其口禍福之
門雖有韶夏勿棄擊轅豈無車馬敢贈一言

箴語溫厚兼巽法之美

祭楊盈川文

唐宋之間

維大周某年月日西河宋之間謹以清酌脯羞
之奠敬祭于楊子之靈曰自古皆歿不朽者文
北河流液西岳吐雲爰叶通氣降精于君伏道
孔門遊刃諸子精微博識黃中通理屬詞比事
宗經匠史玉璞金渾風搖雲起聞人之善若任
諸已受人之恩許之以歿惟子堅剛氣陵秋霜
行不苟合言不苟恣大君有命徵子文房余亦
叨忝隨君頡頏同趨北禁并拜東堂志事俱得

形骸兩忘載罹寒暑貧病洛陽裘馬同敝老幼
均糧自君出宰南浮江海余嘗苦饑今日猶在
之子妙年香名早傳從來金馬夙昔崇賢門庭
若市翰墨如泉千載之後聞而凜然灰而不忘
問余何傷傷余命薄益州零落生平之言幽顯
相託痛君不嗣匪我孤諾君有兄弟同心異體
陟岡增哀歸葬以禮旅櫬飄零于洛之汀我之
懷矣感歎入冥見子之弟類子之形悼往心絕
慰存涕盈古人有言一歿一生昔子往矣追送
傾城今子來也乃知交情惟郭是戚有崔不易
來哭來祭哀文在席惟席何依冰雪四滿家人
哀哀賓徑微斷今我傷悲情懃昔時子文子翰
我緘我持子宅子兆我營我思子有神鑒我言
不欺我有絮酒子其歆之我亦引蒲儻昭神期
竟兮歸來聞余此詞

淒戾纏綿灑文章知己之涕語從心坎剝出

溫泉莊臥病寄楊七炯

唐宋之間

移疾臥茲嶺寥寥倦幽獨賴有嵩丘山高枕長
在目茲山棲靈異朝夜翳雲族是日濛雨晴返
景入巖谷冪冪澗畔草青青山下木此意方無
窮環顧悵林麓伊洛何悠漫川原信重複夏餘
鳥獸蕃秋末禾黍熟秉願守樊圃歸閒欣藝牧
惜無載酒人徒把涼泉掬

昔無嫌鄙人封豕食泉

州每外木木益

漢東應郡林鎮

入錄

...

...

遺事

天授元年勅學士楊炯與宋之問分日於洛城

西入閣每雞鳴後至羽林代閹人奏名侍命拱

立于御橋之西

宋之問採蓮賦

衢州盈川令楊炯詞學優長恃才簡倨不容於

時每見朝官目為麒麟植人問其故楊曰今舖

樂假弄麒麟者刺畫頭角修飭皮毛覆之驢上

巡場而走及脫皮褐還是驢馬無德而衣朱紫

者與驢覆麟皮何別矣

朝野僉載

